

67642

:8



易象正卷之三

漳浦黃道周輯

晉安鄭開極重訂



泰。小往大來。吉亨。

象曰。泰小往大來。吉亨。則是天地交。而萬物通也。上下交。而其志同也。內陽而外陰。內健而外順。內君子。而外小人。君子道長。小人道消也。

象曰。天地交泰。后以財成。天地之道。輔相天



地之宜以左右民

正曰。自屯師而泰。雨水之候。得正令也。易不以一歲之令。正百世之令。而曰正令也。何也。曰適其正也。正而泰。外小而內大。太簇當務萬物族聚。陽明積中。和順外敷。君不以貴驕其臣。中國不以勢陵口口。君子不以道構小人。一長一消。曰幾而已。詩曰。雨雪濼濼。見覲曰消。爾頌曰。茶蓼朽止。黍稷茂止。言夫道之不兼進也。生民之詩曰。誕后稷之穡。有相之道。第厥豐艸。種之黃茂。如后稷。可以言財成者矣。故泰者輔相之象也。輔相天地。必以正誼。不彙眾正。其正易替。故其究也。歛德辟難。不可榮以祿。

初九

泰之升

泰小往大來吉亨

升元亨用見大人勿恤南征吉

拔茅茹以其彙征吉

象曰拔茅征吉志在外也

正曰。泰有明主。以登良臣。何卹乎。茅藉自上者也。茹。縕。自下者也。以薦鬱鬯。亦各其彙也。南征征吉。其義不退也。是猶未得位也。而上位之選歸焉。罔命曰僕。臣正。厥后克正。僕臣諛。厥后自聖。古之升士者。其慎始若此也。雖用齋戒。升中以告上帝。亦不過如此也。詩曰。其香始升。上帝居歆。是道之初泰者也。

九二

泰之明夷

泰小往大來吉亨

明夷利艱貞。

包荒用馮河不遐遺朋亡得尚于中行。

象曰包荒得尚于中行以光大也。

正曰泰也。而有明夷之心。何也。夫其當作洛之會乎。艱貞之利。何往蔑有用晦而明聖人之所屢試也。多士曰。爾乃尚寧幹止。爾克敬。天惟畀矜爾。爾不克敬。不啻不有爾土。多方曰。爾惟和哉。爾室不睦。爾惟和哉。爾邑克明。爾惟和哉。爾惟克勤。乃事尚不忌于凶德。故觀于多士多方。而知周公之懃也。中行四德。惟周公有之。故曰包荒。仁也。馮河。勇也。不遐遺。知也。朋亡。義也。泰而行若此者乎。則雖晦而可以光大矣。

九三泰之臨

泰。小往大來。吉亨。

臨。元亨利貞。至于八月有凶。

无平不陂。无往不復。艱貞无咎。勿恤其孚。于食有福。

象曰无往不復。天地際也。

正曰。自泰至于臨。則亦八月矣。消息時也。平陂。遇也。吉亨。命也。艱貞。性也。泰而多恤。小人以為嗜凶。君子以為為食福。食福者。猶之農社也。胼胝而春。刈穫而秋。風雨晴潦。無不恤也。召誥曰。惟王受命。無疆惟休。亦無疆惟恤。又曰。我受命。無疆惟休。亦大惟。

艱。古之用恤者如此。是以上格于廟。禮下孚于百姓。詩曰。風雨攸除。鳥鼠攸去。君子則率繇此也。

六四 泰之

泰。小往大來。吉亨。

大壯利貞。

翩翩不富以其隣。不戒以孚。

象曰。翩翩不富。皆失實也。不戒以孚。中心願也。

正曰。泰之翩翩。何也。言多助也。天子享禮元侯。連職九夏。肆奏萬舞。合作大夫。卿士

各以其次。周爰執事。頌曰。無封靡于爾。維王其崇之。言不富也。念茲戎功。繼序其皇之。言不戒也。在彼無惡。在此無敬。蓋言隣也。庶幾夙夜。以永終譽。蓋言孚也。故泰之大壯。元侯之禮也。觀於元侯。肆觀而天地之情。可見矣。

六五 泰之

泰。小往大來。吉亨。

需。有孚光亨。貞吉利涉大川。

帝乙歸妹。以祉元吉。

象曰。以祉元吉。中以行願也。

正曰。是需也。而稱歸妹。何也。天地交泰。需時而動。動而樂。君忘其貴。士忘其賢。國不

驕其家。婦不驕其夫。天下化之。以燕以譽。詩曰。桃之夭夭。有黃其實。蓋言時也。何彼穠矣。唐棣之華。蓋言位也。夫有時與位。而和樂以將之。非其中願。而能如此乎。

上六

泰之 大畜正變象

泰小往大來吉亨。

大畜利貞。不家食吉利涉大川。

城復于隍。勿用師。自邑告命。貞吝。

象曰。城復于隍。其命亂也。

正曰。泰之大畜。何吝之有乎。謂其窮大也。物大聚。則必大散。城內也。隍外也。邑固也。師博也。務外博者。其內必凋。楚子將城陳。蔡不羹。范無宇曰。國為大城。未有利者。昔

鄭有京櫟。衛有蒲戚。宋有蕭蒙。魯有卞費。齊有渠丘。晉有曲沃。秦有徵衙。皆志於諸侯。此其不利者也。且夫制城邑若體性焉。有首領股肱至夫。手拊毛豚。邊境者國之尾也。譬如牛馬處暑之既至。蠶之既多。不能掉尾。臣亦懼之。用師復隍。乃不掉矣。然則告邑貞命。可以免矣。而曰吝。何也。時則已過。功則已博。固之而有不固也。詩曰。皇父孔聖。作都于向。擇三有事。亶侯多藏。不愆遺一老。俾予我王。擇有車馬。以居徂向。是泰之大畜之謂也。



否之匪人。不利君子貞。大往小來。

象曰。否之匪人。不利君子貞。大往小來。則是

天地不交。而萬物不通也。上下不交。而天下无邦也。内陰而外陽。内柔而外剛。内小人而外君子。小人道長。君子道消也。

象曰。天地不交。否。君子以儉德避難。不可榮以祿。

正曰。禮樂之不作。其始於法制乎。法制貴辨。禮樂貴和。辨以救和。而和不勝辨。驕君諂子。則必繇此矣。君子之仕也。非為祿也。君以祿制士。士以祿自制。陽亢於上。陰勇於下。雞鶩虎兕。羣擇之矣。故否之匪人。有不近於人者也。詩曰。匪兕匪虎。率彼曠野。吾道非歟。大東之詩曰。既往既來。使我心疾。是之謂也。故否者。儉德避難之象也。

子儉德。小人縮色。驕祿不餌。隱身自貴。靜觀天爵。則亦不辱及其究也。以裁成輔相

初六 否之无妄

否之匪人。不利君子貞。大往小來。

无妄。元亨利貞。其匪正有眚。不利有攸往。

拔茅茹。以其彙。貞吉亨。

象曰。拔茅貞吉。志在君也。

正曰。消長以道。亦各其彙也。周政曰。王左右。常伯常任。準人綴衣。虎賁。嗚呼休茲。知恤鮮哉。棘始生而為荔。桃三歲而為菊。匪人之始進。无以別於君子也。與氣相漸。而

鴛鼠易貌矣。趙無恤曰：雀蛤雉蜃莫不能化。惟人不能。哀夫。竇犖曰：君子哀無人。不哀無賄。哀無德。不哀無寵。中行范氏不郵庶難。而擅國政。宗廟之犧化爲畎畝之勤。人之化也。何日之有。故政而无青。君子之所貴也。詩曰：犬風有隧。貪人敗類。貪人之志。雖在於君。何足貴乎。

六二

否之匪人

否之匪人。不利君子貞。大往小來。

訟。有孚窒。惕中吉。終凶。利見大人。不利涉大川。

包承。小人吉。大人否亨。

象曰：犬人否亨。不亂羣也。

正曰：否之大人。可以退矣。訟之大人。可以窒矣。夫亦小人之時也。小人獲其吉。薰利之與榮。大人獲其否。禍難之與辟。惕中遠凶。是包承之事也。夫祿仕者亦猶之松乎。口實而已。包承則无所事訟也。詩曰：雖速我訟。亦不爾從。是則未爲包承也。聽言則對。誦言如醉。匪用其良。覆俾我悖。夫去其所謂良悖而可矣。

六三

否之遯

否之匪人。不利君子貞。大往小來。

遯亨。小利貞。

包羞。

象曰：包羞。位不當也。

正曰。易謀君子。不謀小人。小人包羞。何稱乎。謂夫儉德而引遜者也。詩曰。民有肅心。莽云。不逮。微子曰。自靖。人自獻。于先王。我不顧行。遜。故君子之禍敗。至於包羞而止矣。危邦而在高位。身必辱。亂邦而在高位。身必戮。彊力忍詬。伊尹氏之行也。湛毅長慮。伍胥氏之行也。然不當其位。則可以辟難。不可以濟否。

九四

否之觀

否之匪人。不利君子貞。大往小來。

觀盥而不薦。有孚顒若。

有命无咎。疇離祉。

象曰。有命无咎。志行也。

正曰。否而可以濟者。其惟觀乎。葉子高之入也。楚人德之。曰。民之仰公。若農之望雨也。管夷吾之去魯也。齊人請之。曰。寡君願得而甘心焉。汝墳之詩曰。既見君子。不我遐棄。蓼蕭之詩曰。既見君子。我心寫兮。君子不試。以才著者。近名而有災。以德著者。集福於无為。詩曰。其德不爽。壽考不忘。有命之謂也。

九五

否之晉

否之匪人。不利君子貞。大往小來。

晉康侯用錫馬蕃庶。晝日三接。

休否。大人吉。其亡其亡。繫于苞桑。

象曰。大人之吉。位正当也。

正曰。休否之大人。夫非明德而能之乎。周公聖人。以昭考之子。穆考之弟。成王之叔。父執贄而見士。吐握而迎之。朝見七十二人。暮見七十二人。豈謂人之明德。盡不如我者乎。人壽之衰。絀則必於其疆陽也。而陰慝中之。鳴鴉之詩曰。迨天之未陰雨。徹彼桑土。綢繆牖戶。又曰。予羽譙譙。予尾條條。予室翹翹。風雨所漂搖。予維音嘒嘒。夫非休否之大人而能之乎。子曰。危者安其位者也。亡者保其存者也。亂者有其治者也。是故君子安而不忘危。存而不忘亡。治而不忘亂。是以身安而國家可保也。然則君子在上位。持危扶傾。晉其明德。以仁天下。而謂之曰否。何也。曰。消長者。天地之運也。盈虧寒暑。歲朔之數也。天地雖閉。賢人未絕。草木沍寒。根芽乃滋。當位之人。怵於垂亡。綢繆以通之。寤寐以求之。則必有君子來而共圖者矣。周之始衰也。諸侯不貢。

士於天子。其卿士大夫。各保其士。子弟姻婭。膺仕相禪。士生而不識王國。紊紊緝緝。以至於亡。召奭曰。無能往來。迪茲彝教。文王蔑德。降於國人。夫以文王之德。无五臣往來。則彝教不降。而况當否運之任者乎。然則否泰。固亦任運者歟。曰。天道之滿也。不過期日。周自克商。至於東遷。三百八十年。參而兩之。以爲春秋。環而數之。坤之下際。蒙訟比履。四卦所直。二百七十二年。而否實受之。周室諸侯。更命盡矣。夫有大人。休否其間。修明德義。平章敦睦。以協於諸侯。苞桑之繫。猶或可存也。然則衛彪侯。與晉女叔寬。其謬乎。劉萇之城。成周。魏獻子與齊高張。爲政。衛彪侯謂單穆公曰。萇劉其不免乎。周詩有之曰。天之所支。不可壞也。其所壞。亦不可支也。昔武王克殷。而作此詩。以爲飢歌。各之曰支。以遺後之人。使永監焉。今萇劉欲支天之所壞。不亦難乎。

雖魏獻子亦將及焉。女叔寬曰。周萇宏齊高張皆將不免。萇叔違天。高子違人。天之不可壞。不可支也。衆之所爲。不可好也。否之則月來。月往。則日來。日月相推而明生焉。寒往則暑來。暑往則寒來。寒暑相推而歲成焉。歲明相推。人事不停。裘葛相資。膏火相周。六府孔脩。五德是求。用君子以包小人。以大得棄其小喪。非是。則聖人不能爲謀也。

上九 否之萃

否之匪人。不利君子貞。大往小來。

萃。王假有廟。利見大人。亨利貞。用大牲吉。利

有攸往。

傾否。先否後喜。

象曰。否終則傾。何可長也。

正曰。傾否何喜之乎。消長相乘。羸縮平行。則是憂懼爲虐也。君子力行以候君子。積誠以待小人。猶行曠野之禮於廢社也。致恪而已。觀射父曰。天子禘郊。必自射其牲。王后自春其粢。諸侯宗廟之事。必自射其牛。封羊擊豕。夫人必自春其盛。又曰。天子親春郊禘之盛。王后親繅其服。詩曰。千以采繁。于沼于沚。又曰。爲絺爲綌。服之無斃。謂是事也。君子之仁足以行禮。智足以飭樂。觀其所萃。以維其敗。雖端居。指笏而去。小人未爲不可也。猶且戒其不虞。无忘戎器。曰。是倚伏者。終不可恃。則是管仲之志。堂阜。桓公之志。射鉤也。泰否。則是交卦也。交卦者何。反復對化。則

猶之此卦也。泰之反復曰否。對化亦曰否。則猶之一卦。不得曰乾之反復曰乾。對化曰坤也。否之反復曰泰。對化亦曰泰。則猶之一卦。不得曰坤之反復為坤。對化為乾也。既猶之一卦。則亦不得比於屯。蒙需訟。曰吾反復而為屯。蒙需訟。對化而為鼎革。晉明夷也。然則乾坤動靜。反對而成兩。屯蒙需訟。反對而成四。泰否相交。則一而已。乾坤之距。泰否之距。隨蠱。隨蠱之距。漸歸。漸歸之距。兩濟。開狹不同。差分各異。何以裁之。曰天道之渺化。不可以尺量也。使其上下遠近各等。則有執顙項以摸義。軒指武湯。以儀舜禹者矣。然則卦積歲月。之必有畫限。何也。曰是爻象之為也。天道遞變。爻象不變。必從倚圖觀之。則積差前後。交泛初終。可得而求也。

序卦傳曰。履而泰。然後安。故受之以泰。泰者通也。物不可以終通。故受之以否。然則泰否兩候。固相等與。曰是交卦也。物之交者必雜。雜則殺。人於天。殺。人於天。則其道難齊。然固已齊之。貞定王丁亥。三家分晉。安王乙未。命田和為諸侯。此其定候也。貞定王戊子之歲。四分百有五日。以起泰限。趙无恤。魏駒。韓虎。始滅荀瑤。又二十八年。而周分東西。又二十三年。而魏斯趙籍韓虔。命為諸侯。又十八年乙未。而命田和為諸侯。於時天下厭亂。諸侯即新星辰日月。不復告災。犀象蛇龍。以為常畜。遠視春秋。又一世。世界各主。各臣。家自為治。而周室尚以綴旒。懸寄其上。故以為泰。則良泰。以為否。則良否也。泰否混淆。陰陽雜交。然以視于八體之限。父子兄弟。元黃競戰。猶庶乎可也。



同人于野。亨。利涉大川。利君子貞。

彖曰：同人，柔得位，得中而應乎乾。曰：同人，同人于野，亨利涉大川，乾行也。文明以健，中正而應，君子正也。惟君子為能通天下之志。

象曰：天與火同人。君子以類族辯物。

正曰：天與水違，違則疑。疑則訟。天與火從，從則辨。辨則同。方諸取水，不如陽燧之敏也。涉遠无涯，不如規星之晰也。寒沍為政，不如火熟之利也。漸臺而望，不如高丘之無蔽也。詩曰：鶴鳴于九臯，聲聞于野。魚潛于淵，或在于渚。言類族也。中原有菽，庶民采之。螟蛉有子，蜾蠃負之。言辨物也。伊尹曰：視遠惟明，聽德惟聰。又曰：君罔以辨言。

亂舊政。臣罔以寵利居成功。是深於同人之義矣。故同人者，類族辨物之象也。天下有火，宵定乃見。日中之明，不見燎燿。世族何常，譽髦是尚。及其究也，以容民畜眾。然則否之匪人，不利君子貞。至於同人，乃利君子貞。何也。曰：夫亦其時也。貞者，君子所慎用也。蘧伯土晏平仲，二子所謂君子也。孫蒯逐君，告伯玉焉。伯玉出於近關，甯喜納君，告伯玉焉。伯玉出於近關，伯玉似以貞為不利也。而利其近於幽人者，崔杼之難。君弑，臣逆。平仲端委而立於門外，樂高之難。國鬪，邑分。仲亦端委而立於門外。外平仲，以貞為利也。而利其近於女子者。然則孰為君子者乎。曰：子產之同人，則亦君子也。子孔當國，為載書以序位聽。辟諸子弗順，將討焉。子產請為之焚書，曰：專欲无成，犯眾與。既乃焚書于倉門之外。許靈公以死請鄭於楚。楚為之伐鄭。鄭人將

禦之。子產曰。晉楚將平。諸侯將和。楚故昧於一來。不逞而歸。何可禦也。遂不禦寇。楚師人墮南里之城。是子產之貞也。然則子產不亦近於女子者乎。曰。子產之同人。有聽而焚之。及子產作丘賦。國人弗順。子產以告。子產則不改也。曰。苟利社稷。死生以之。禮義不愆。何恤於人言。范宣子為政。黷賄於諸侯。子產為書以砭之。及子產鑄刑書。叔嚮亦砭之。子產不毀。曰。僑不才。不能及子孫。吾以救世也。既不能也。其不同人而子產之同人而貞。不可能也。其不同人而貞。亦不可能也。晏子曰。君所謂可而有否焉。臣獻其否以成其可。君所謂否而有可焉。臣獻其可以去其否。若以水濟水。其誰能食。琴瑟之專一。誰能聽之。故同不同之辨。子產與平仲同旨也。然則使子產為伯玉。其能之乎。何為其不能也。子張之將祭

同人 請田。弗許。退而徵役。子產遂奔晉也。既安於鄭。又為子張請其田里。入陳之役。賞子產。下於子展一等。子產固辭。故三君子之貞皆一也。而子產類辨矣。詩曰。其德克明。克明克類。是子產之同人者矣。

初九 同人

同人于野。亨利。涉大川。利君子貞。

遯亨。小利貞。

同人于門。无咎。

象曰。出門同人。又誰咎也。

正曰。于野出門。其志遠矣。有遠志。必有高識。房闔之談。君子之所不貴也。君子與人

同功不慕功。與人同過不諱過。然且入於功過。則不如无功過之利也。荆厭晉軍。晉人患之。范宣子曰。夷竈堙井。非退而何。文子執戈而逐之。下邑之役。董安于多。簡子固賞之。安于曰。臣之少也。贊筆為命。而義不稱。及其壯也。耆其股肱。以從司馬。及其長也。端委鞞帶。以隨宰人。而且無名。今一旦為狂疾。而必曰賞。則是以狂疾賞也。不如其亡。乃釋之。夫二子者。其庶乎无咎乎。

六二

同人

同人于野。亨。利涉大川。利君子貞。

乾元亨利貞。

同人于宗。吝。

象曰。同人于宗。吝道也。

正曰。同人而乾。何吝乎。仁不與眾覆。義不與眾斷。乘權而游。秉知而謀。以為杓人。而不出其宗。聞道雖博。亦君子之所惡也。范宣子為政。每事必與其老。訾祐謀之。郤氏為政。每事則與其宗。謀之。郤錡謂郤至曰。君不道於我。我以其宗黨伐之。雖敗不亂。其可乎。郤至不可。然而積彊不可復柔矣。雖得倖焉。猶之吝也。詩曰。問我諸姑。遂及伯姊。古人之問。不失次也。如此。

九三

同人

同人于野。亨。利涉大川。利君子貞。

无妄。元亨利貞。其匪正有眚。不利有攸往。

伏戎于莽。升其高陵。三歲不興。

象曰。伏戎于莽。敵剛也。三歲不興。安行也。

正曰。同人而無妄。是豈為青動乎。君子立誠以動眾。動眾以靖民。正而行之。鬼神退聽。故伏莽者。小人之青也。升陵者。君子之正也。詩曰。君子實維。秉心無競。方帝舜時。苗民逆命。大禹徂征。三旬弗格。退而脩德。班師振旅。舞干羽。干兩階。七旬有苗格。文王始為西伯。密須不恭。王在周京。不樂與戰。以一旅覘之。密須來歸。詩曰。陟我高岡。無矢我陵。我阿無飲。我泉。我泉我池。大禹與文王。夫豈有妄心乎。其辨之者。蚤應之者。靜。故伏莽不興。羣小聽命。災禍不作。而天祐眾正也。

九四 家人之

同人于野。亨。利涉大川。利君子貞。

家人。利女貞。

乘其墉。弗克攻。吉。

象曰。乘其墉。義弗克也。其吉。則困而反則也。

正曰。是猶之家人也。弓矢于戚。无所試之。君子之於兆庶。辨其族類。正其民物。同姓同德。不相干也。周用犬戎。祭公作色。晉先。鄆莒。惠伯厲聲。夫豈无則而為之乎。齊桓公既過孤竹。涉卑耳之谿。將遂闕於王室。管子歸。築三歸之臺。以自貳於諸侯。晉文公將攻陽樊。倉葛呼。正以王德。道以文武。麗以父兄。甥舅。而陽民得還。此亦近於為義者矣。義者。同人之所共利也。桓文之事。則猶未遠於義則也。

九五 同人

同人于野亨。利涉大川。利君子貞。

離利貞亨。畜牝牛吉。

同人先號咷而後笑。大師克相遇。

象曰：同人之先，以中直也。大師相遇，言相克也。

正曰：同而離。號咷之先，則猶未同也。離而
同。中外休明，則道已同也。古之行師者，皆
取於離。離，火也。乾，金也。金火相鑠，歷久乃
化。先號後笑，是猶倉葛呼之義也。晉文公
立二年，將用其民，子犯曰：民未知義，乃納
襄王，以示之義。既又用之，曰：民未知信，乃

代原以示之信。既又用之，曰：民未知禮，乃
大蒐以示之禮。因禮立政，乃伐曹衛。出穀
戍，釋宋圍，敗楚師於城濮，甚矣用民之難
也。夫非牝牛之貞，其能數勤乎。故大師者，
君子之所慎用也。然則夫子之言斷金，何
義也。曰：五，正也。二，應也。二五當中，其應同
心。子曰：君子之道，或出或處，或默或語。二
人同心，其利斷金。同心之言，其臭如蘭。楚
之圍宋也，九月不服。晉人不救，楚將去。諸
申叔時曰：桑室反耕，則宋必聽命矣。宋人
懼，使華元夜入楚師，登子反之床。起之曰：
寡君使元以病告，曰：敝邑易子而食，折骸
以爨。雖然，城下之盟，有以國斃，不能從也。
去我三十里，惟命是聽。子反許之。退三十
里。乃及楚平。華元為質。盟曰：我無爾詐，爾
無我虞。是為號咷而笑矣。然而大師未遇
也。邲之戰，晉有違言，以迄於敗。及桑隧之
戰，趙同趙括又欲與楚戰，請於欒武子。武

子將許之。范燮韓厥以為不可。武子乃還。是所謂善均從眾者也。可謂相遇乎。曰武子則可謂明矣。邲之號咷不及桑隧之後。笑也。然而未有以遇楚者。其惟召陵乎。召陵之先。齊侯以諸侯之師侵蔡。蔡潰。遂伐楚。楚子使謂齊師。詰相及也。管仲對曰。昔召康公命我先君太公曰。五侯九伯。女實征之。以夾輔周室。爾貢包茅不入。王祭不共。无以縮酒。寡人是徵。昭王南征不復。寡人是問。楚人對曰。貢之不入。寡君之罪也。敢不供給。昭王之不復。君其問諸水濱。於是師進。次于陘。屈完來盟。退次于召陵。齊侯陳諸侯之師。與屈完乘而觀之。齊侯曰。豈不穀是為。亦先君之好。是繼。屈完敬諾。齊侯曰。以此眾戰。誰能禦之。以此攻城。何城不克。對曰。君若以德綏諸侯。誰敢不服。若以力。楚國方城以為城。漢水以為池。雖眾。无所用之。或曰。齊之君臣。於是失辭。昭

王之不復。二百餘年矣。仗義而臨諸侯。何力之視。然使管仲无是言。則章周之世。无復為是言者。且以楚獷。非德之服也。而姑示以諸夏之難翫。故城濮召陵。則庶乎克遇者矣。文公之於子犯。桓公之於管仲。則庶乎同心者也。斷金如蘭。則二霸之君臣。庶亦

上九 同人 有焉。

同人于野。亨利。涉大川。利君子貞。

革。已日乃孚。元亨利貞。悔亡。

同人于郊。无悔。

象曰。同人于郊。志未得也。

正曰。革之悔亡。則猶之无悔也。道至无悔而已矣。已者離之屬也。以離革乾。乾交於兌。丁巳之合。古人有用之者矣。詩曰。我出我車。于彼郊矣。建此旄矣。設彼旄矣。古之用師。不出四郊。鄉遂之民。蒐苗以從。故賞則同休。討則同憂。孤終同協。粟藁同入。詩曰。溲彼涇舟。烝徒穢之。周王于邁。六師及之。猶是郊遂之衆也。泰誓曰。同力度德。同德度義。受有臣億萬。惟億萬心。予有臣三千。惟一心。同人之革。則先取於此矣。



大有元亨。

彖曰。大有柔得尊位。大中而上下應之。曰大有。其德剛健而文明。應乎天而時行。是以元

亨。

象曰。火在天上。大有。君子以遏惡揚善。順天

休命。

正曰。同人之類。辯。譬之。疆理。是人道也。大有之。遏揚。譬之。臨炤。是天道也。得尊位而能柔。柔而明。詩曰。豸其德音。其德克明。克明克類。克長克君。是王季也。無然畔援。無然歆羨。誕先登于岸。是文王也。是猶未釋。夫大有之義也。大有者。以刑賞公之天下。以慶威共之百世。以征討寄之禮樂。詩曰。鎬京辟雍。自西自東。自南自北。無思不服。桓之頌曰。綏萬邦。屢豐年。其是之謂乎。故大有者。遏惡揚善之象也。大明方中。邪慝不作。雖有牲帛。不救日月。及其究也。以親建萬國。

初九大有之鼎

大有元亨。

鼎元吉亨。

无交害匪咎艱則无咎。

象曰大有初九无交害也。

正曰道未有純乎亨者也。人未有生而貴者也。大有之鼎於人事則未有交處也。不擇利而蹈。不持幹而固。其道已榮。則風雨及之矣。故內懼不生。外患不作。雖聖人猶有憂色。无害而艱。其惟成王乎。顧曰成王不敢康。夙夜基命宥密。又曰未堪家多難。予又集于蓼。故匪咎而引咎。明王之務也。无害而克艱。哲后之智也。伊尹曰無輕居

事惟難。無安厥位。惟危。是初有之義也。

九二大有之離

大有元亨。

離利貞亨。畜牝牛吉。

大車以載。有攸往无咎。

象曰大車以載積中不败也。

正曰健而動。動而明。上下交應。大人繼焞牝牛之載。大車上不棘御。下不僨事。安致之矣。卷阿之詩曰。爾土宇。亦孔之厚矣。豈弟君子。俾爾彌爾性。百神爾主矣。又曰。君子之車。既庶且多。君子之馬。既閑且馳。夫以四海之大。共球積載。不託於賢者

而託於奔逸便辟之才。猶策狗馬以御玉輅也。一旦敗覆。則羣跳而去。正月之詩曰。無棄爾輔。員于爾輻。屢顧爾僕。不輸爾載。終踰絕險。曾是不意。是可以言攸往者矣。

九三 大有 之睽

大有 元亨。

睽 小事吉。

公用亨于天子。小人弗克。

大象曰。公用亨于天子。小人害也。

正曰。小事之不可大享。正也。叔孫豹聘於

晉。享以大樂。不拜。及鹿鳴之三。而後拜三。晉侯使行人問焉。叔孫穆子曰。夫樂。金奏肆夏。天子所以饗元侯也。歌文王大明綿

則兩君相見之樂也。昭令德以合大好。皆非使臣所敢聞也。伶簫咏歌。及於鹿鳴。則

先好是嘉。四牡。所以章使臣之勤也。皇皇者華。君教使臣曰。每懷靡及。諏謀度詢。敢

不重拜。夫穆子則可謂知禮矣。桓公受昨。隕越下拜。文侯受享。進而請隧。夫文侯則

自為公也。而同異不晰。緹於王章。雖未有

九四 大有 之畜

大有 元亨。

大畜 利貞。不家食。吉利涉大川。

匪其彭。无咎。

象曰。匪其彭。明辨晷也。

正曰。彭。盛也。滿也。大有。已盛矣。而又畜之
 肥於國。不食於家。夫非明德而能之乎。禹
 之昌言曰。洪水滔天。予乘四載。予決九川。
 暨益暨稷。懋遷有無化居。烝民乃粒。萬邦
 再乂。夫以作乂之功。蓋於益稷。一則曰。成
 允成功。惟汝賢。克勤于邦。克儉于家。不自
 滿假。惟汝賢。汝惟不矜。天下莫與汝爭能。
 汝惟不伐。天下莫與汝爭功。夫帝舜則可
 謂明晰者矣。不然。則是以禹為迫已也。采
 菽之詩曰。彼交匪敖。萬福來求。九四匪彭。殆謂是
 歟。

六五 大有 之乾

大有 元亨

乾。元亨利貞。

厥孚交如。威如吉。

象曰。厥孚交如。信以發志也。威如之吉。易而
 无備也。

正曰。大有之動。動而應乎乾。是不為已剛
 者歟。曰。非然也。中和之極。天子所建。是明
 作之會也。洪範曰。平康正直。疆弗友。剛克
 熒友柔克。沉潛剛克。高明柔克。夫是四克
 者。則大有與乾之所共取也。乾以剛而取
 柔。大有以柔而取剛。厥孚乃交。故威福者
 天子所不敢作也。惟辟作威。惟辟作福。惟
 辟玉食。言夫極建而多備者也。極不建而
 福多備。雖聖人猶畏之。詩曰。蕩蕩上帝。下
 民之辟。疾威上帝。其命多辟。可不戒哉。

上九大有之

大有元亨

大壯利貞

自天祐之吉无不利

象曰大有上吉自天祐也

正曰道未有壯而吉者也大有之元亨大壯之利貞與乾同稱則易嘗貴之矣子曰天之所助者順也人之所助者信也履信思順又以尚賢是以自天祐之吉无不利是何謂也謂非禮弗履者也禮以致順禮以成信禮以下賢三者天地之情也洪範曰人之有能有為使羞其行而邦其昌凡厥正人既富方穀汝弗能使其行而邦其昌

時人斯其辜于其無好德汝雖錫之福其作汝用咎故如洪範可謂知天地之情矣然則大有大壯兩者乾德之合也乃大有之得大壯吉无不利大壯之得大有則无攸利何也曰大有陽也大壯陰也德位相持高危難支壯而不艱乃喪其資夫非合乾之德而能保有終吉乎故艱危者上帝之所祐助也大而有而不有大壯而不壯雖以各正保合則必繇是矣然則易之稱四大卦者何也曰是皆從乾者也從乾者何也乾南而坤北屯蒙從坤則需訟從乾師比從坤則小畜履從乾泰否從坤則同人大有從乾大有者五陽之卦乾之三駕也謙豫從坤則隨蠱從乾臨觀從坤則噬嗑賁從乾剝復從坤則无妄大畜從乾大畜者四陽之卦乾之又三駕也重順從坤重者四陽之卦乾之又三駕也重過從乾於是大過而天地且中矣故坎離天地之中會也當過而過已過而反天

地亦不得已也。咸恒從坤。遯大壯從乾。於是而乾又三駕矣。天地九駕而得四大。故大有大畜大過。暑中之漸分也。大壯。暑至之將進也。四大皆右。天地之尚位也。兩陰於四大卦。而大極從於陽節。右行而贏。故觀小過之左行。何也。曰小畜自乾而來。止而不過。小過自兩濟而來。則過矣。重乾以至小畜。三際。小畜以至小過。十六際。凡一千五百一十二年。而天地四分。益以八十五。而四分小過。故小過者。天地之大慎也。然則聖人之言。書不盡言。言不盡意。何也。曰聖人之觀象也。取於乾坤。乾坤成列。而立其中。故自乾乾而上。成列十八。坤坤而下。成列十八。二十六卦。成位於中。而道器事業。森然備矣。然則聖人之意。亦為是四大象而發乎。曰。緼不可闡。則意不可見。意不可見。則言小可盡也。然則夫子於此。又

重言之。何也。曰大有之大壯。乾德之合體也。履信思順。尚賢聖人之所治也。亢龍有悔。聖人亦重言之。故聖人之意。可見也。同人大有。一陰之卦也。從於北政。日道驟同。次而分爻。是唐虞之所敬致也。古今之治。一民五君。蓋未有不亂者也。小畜履嘗終之矣。而同人。大有。尚有其令名。同人之遊。宜吝而旡咎。大有之壯。宜咎而旡不利。夫謂其柔危而剛勝耶。人道之貴孫。天道之貴正。亦各有取之也。故兩卦之上下。同情而異辭。然則屯蒙從坤。需訟從乾。泰否從坤。同人大有從乾者也。而序位。每曰。陰少從陰。陽少從陽。屯蒙從於南政。同人大有從於北政。何也。曰是亦有位與德焉。陽多之從陽。陰多之從陰。各以其類位也。陽卦之起於陰。陰卦之起於陽。各從其位德也。卦序之論。從政位也。而序德。夫猶之從

日也。以晷影測其精物。序卦傳曰。物不與人同者。物必也。曰。是一正而也。正。人也。應天善。遇惡。所以從年。而安。王崩。烈人。於是。齊稱王。敗三晉之師。而紀。齊。秦。使當其力。脩舉政刑。遇揚。猶可以帝。齊。趙。韓。魏。始自譬之。圈。虎。聚。久。申。秦。始。稱。王。王。後。於。楚。宋。吳。越。及。其。末。造。猶。且。後。於。四。國。也。秦。於。四。國。不。得。不。變。列。國。死。王。相。持。二。三。百。年。而。相。

與為雌。古今无有也。秦守其陰節。後起乃勝。蓋自作。郈。時。而。後。四。百。四。十。年。乃。自。王。其。國。非。有。禮。教。尚。敦。樸。而。能。之。乎。故。自。顯。王。辛。未。徙。都。咸。陽。以。前。諸。國。未。鬪。鬪。未。爛。伏。戎。于。莽。升。其。高。陵。四。國。有。焉。自。顯。王。辛。巳。魏。人。徙。都。大。梁。而。後。諸。國。始。憤。憤。始。潰。公用。享。于。天。子。小。人。不。克。秦。與。諸。國。分。有。焉。然。則。秦。可。謂。受。命。者。歟。曰。是。非。受。命。之。際。也。一。民。五。君。亦。猶。之。小。畜。履。也。然。則。西。周。以。前。不。有。當。之。者。歟。曰。或。得。其。德。或。得。其。位。或。其。對。化。也。小。畜。履。之。對。曰。豫。謙。同。人。有。之。對。曰。師。比。



謙亨。君子有終。

彖曰。謙亨。天道下濟而光明。地道卑而上行。

天道虧盈而益謙。地道變盈而流謙。鬼神害盈而福謙。人道惡盈而好謙。謙尊而光。卑而不可踰。君子之終也。

象曰：地中有山，謙。君子以裒多益寡，稱物平施。

正曰：作易者其精於地道乎。地中有山，虧益變流。生於其間，故博而不散，夷而不衍，隆而不險，窪而不陷，愿而恭，柔而立，寬而栗，生則游焉，死則入焉，進退高下，權量其間，是君子之所防終也。詩曰：陟則在巘，復降在原，相其陰陽，觀其流泉，是公劉之行也。君子觀於天地鬼神陰陽之故，而後知人之貴謙也。炎炎者滅，隆隆者絕，卑命曰

不剛不柔，厥德允脩。多方曰：惟逸惟頗，大遠王命，故觀於人道之所終，則知神道之所始者矣。君子為地不敢為山，為澤不敢為天，虧益變流，安知何求，及其究也，以辨上下，定民志。

初六 謙之明夷

謙亨。君子有終。

明夷。利艱貞。

謙謙君子。用涉大川。吉。

象曰：謙謙君子，卑以自牧也。

正曰：謙之明夷，何傷乎。君子不失足於人，不失色於人，然而磬折集木，則不可謂已。

學之也。君子之處治世。如服耒耜。任重負
 焉。處衰世。如畫狸首。以游於決拾之內。齊
 閭丘來盟。子服景伯戒宰人曰。陷而入於
 恭。閔馬父笑曰。甚矣子之滿也。昔正考父
 較商頌之名篇。以那為首。其輯之亂曰。自
 古在昔。先民有作。溫恭朝夕。執事有恪。先
 聖之傳恭。猶不敢專。而稱曰。自古。古曰在
 昔。昔曰先民。今吾子之戒。吏人曰。陷而入
 於恭。甚矣子之滿也。故謙而明。明而若傷
 詩曰。視爾友君子。輯柔爾顏。不遐有愆。是
 衛武公
 之行也。

六二

謙之

謙亨。君子有終。

升元亨。用見大人。勿恤。南征吉。

鳴謙。貞吉。

象曰。鳴謙貞吉。中心得也。

正曰。謙者。幽獨之行也。升者。明庭之道也。
 謙而升。夫豈脩名而為之乎。夫亦其素也。
 晉文公問元帥於趙衰。對曰。卻縠可。行年
 五十矣。守學彌惇。公從之。既又使為卿。辭
 曰。藥枝貞慎。先軫有謀。胥臣多聞。臣皆不
 如也。公從之。既又使為卿。辭曰。三德者偃
 之出也。以德紀民。不可廢也。狐偃讓於狐
 毛。及狐毛卒。又命趙衰。辭曰。城濮之役。先
 且居善佐軍。先且居。先軫之子也。於衰非
 倫矣。衰之倫。有箕鄭胥嬰。先都在。衰又讓
 之。故如趙衰。可
 謂鳴謙者矣。

九三

謙之

謙亨。君子有終。

坤元亨。利牝馬之貞。君子有攸往。先迷後得主。

利西南得朋。東北喪朋。安貞吉。

勞謙君子有終吉。

象曰。勞謙君子。萬民服也。

正曰。先迷不已。勞乎。後得不有終乎。仲尼觀於五德。曰。吾其為士乎。士。四德之所出。入也。亨。壽萬物而不言功。取之不勤。給之不窮。因陳為新。納污為清。有則養之。歿則藏之。故德之可居者。惟士也。君子夏行就陽。冬行就陰。急病而讓夷。食疏而任劬。入澤為人。驅漁入林。為人表虎。若是而猶恐嬰於既患。周書曰。君子所其無逸。先知稼穡

穡之艱難。乃逸。則知小人之依。又曰。厥後立王。生則逸。生則逸。不知稼穡之艱難。不聞小人之勞。惟耽樂之從。自時厥後。亦罔或克壽。或十年。或七八年。或五六年。或四三年。故勞謙有終。亦聖賢之所自與也。萬民率服。何知之乎。又況於致恭存位者乎。然則夫子之言致恭存位。何也。曰。坤地也。艮山也。山伏於地。以卑而高。以高而卑。上下求之。不自為勞。子曰。勞而不伐。有功而不德。序之至也。語以其功。下人者也。德言盛。禮言恭。謙也者。致恭以存其位者也。鄭伯如晉。公孫段相。甚敬而卑。禮無違者。晉侯嘉焉。授之以策。曰。子豐有勞於國。予聞而弗忘。賜女州田。以胙。乃舊勳。伯石再拜稽首。受策以出。以伯石之汰也。勞謙而得州田。季孫宿之拜莒田也。晉侯享之。加籩。武子退。使行人告曰。小國之事大國也。苟免於討。不敢求貺。貺不過三獻。今豆有嘉。

下臣弗堪。韓宣子曰。寡君以為驩也。對曰。寡君未堪。而况下隸。請撤加而後拜。晉人以為知禮。重其好貨。以武子之專也。勞謙而得好貺。故致謙存位。非德之至也。然而聖人有取焉。然則勞而不伐。有功不德。自大禹周公而下。死屬矣。且是九三也。卿大夫之象也。曰其管子乎。管子既平戎於王。王以上卿之禮饗之。管子辭口。臣賤有司也。有天子之二守國高在。若節春秋。來承王命。何以禮焉。陪臣敢辭。王曰。舅氏。余嘉乃勳。應乃懿德。謂篤不忘。往踐乃職。無逆朕命。管仲乃受下卿之禮而還。鄭伯賞入陳之功。乃享子展。賜之先輅。三命之服。先入邑。賜子產再命之服。先六邑。次輅。子產辭邑。曰。自上下。降殺以兩。禮也。臣位在四。且子展之功也。臣不敢及。請辭邑。公固與之。乃受三邑。子產之與管仲同志也。世而尤厚至者。則管仲子產其盛矣。然則六

六五 爻皆謙也。夫子之獨贊九三。何也。曰九三者謙之主也。六五非謙之主也。九三為謙之主。則謙臣道也。夫子不直謂謙之坤。何也。曰猶是辭也。得道者忘器。得意者忘象。知其坤而必以坤與之。則是觀象者辭費也。故君子所治。聖人有所不治也。

六四 謙之小過

謙亨。君子有終。

小過亨利貞。可小事。不可大事。飛鳥遺之音。不宜上。宜下。大吉。

无不利。撝謙。

象曰。无不利。撝謙。不違則也。

正曰。伯禽之見周公。三見而三答之。問於商子。商子命游於南山。其陽有喬。總然而仰。其陰有梓。抑然而俯。明日又見周公。入門而趨。上堂而跪。公撫其首曰。是何君子之教乎。晏子來聘。執玉已卑。上堂數疾。仲尼使人問之。晏子曰。堂上之禮。君行一。則臣行二。君之授玉。俯得無卑乎。舉步數。得無趨乎。衛武公之謙也。以抑自命。曰。於乎小子。未知臧否。非手攜之。言示之事。非面命之。言提其耳。以是撝謙。則其謙也。无不至矣。

六五

謙之

謙亨。君子有終。

蹇利西南。不利東北。利見大人。貞吉。

不富以其隣。利用侵伐。无不利。

象曰。利用侵伐。征不服也。

正曰。侵伐。東北之事也。蹇則違之。而利侵伐。何也。謙以服衆。服衆而禦難。兩師相當。哀者必勝。驕者必敗矣。長勺之役。曹劌問所以戰於莊公。公曰。余不愛衣食於民。不愛性玉於神。劌曰。小賜不咸。獨恭不優。未可以戰。公曰。余聽獄。雖不能察。必以情斷之。劌曰。是則可矣。夫苟中心圖民。知雖不及。必將至焉。謙而蹇。則為中心圖民者也。秦誓曰。予克受。非予武。惟朕文考無罪。受克予。非予文考有罪。惟予小子無良。是則所謂大人也。中心圖民。以誠將之。四隣來從。何難之有。然則不富以其隣。何謂也。曰。以謙而動衆也。泰之大壯。不以謙動衆。而亦曰不富以其隣。何也。曰。是皆柔詞也。致

柔而後物歸焉。泰四謙五。皆六也。小畜之
 大畜。則九也。九富而六不富。故泰謙之不
 富。與小畜之富。隣陰陽之等也。然則泰小
 畜。猶之隆德也。以隣而不侵伐。謙獨以之
 侵伐。何也。天地之虧變。君子亦虧變之。人
 神之惡害。君子亦惡害之。兼弱攻昧。侵亂
 侮亡。則於是出也。然則是君子獨用之。而
 曰以隣。何也。曰。是方伯連帥之事也。湯之
 於韋。顧文王之於崇。密以天子之德。而行
 諸侯之事。何謙如之。然則春秋書會百四
 十有五。書盟九十有九。皆以其隣。或富或
 不富。皆死當於謙歟。曰。春秋之有盟會。皆
 富之也。稷之會。取郟大鼎。而諸侯皆利其
 與國。溴梁之會。執邾子莒子。而大夫皆利
 其諸侯。不富以隣者。獨幽城濮。陽穀。首止
 寧母。鹹及葵丘耳。壯丘之會。救徐不克。而
 齊業遂衰。故王道既熄。而霸業之難繼也。
 富而以隣。失其義。不富而以隣。失其力。以

隣而侵伐。失其仁。不以隣而侵伐。失其武。
 故驕溢滿盈者。相望於世。而哀多益寡。獨
 使鬼神陰
 騭其事也。

上六

謙之

謙亨。君子有終。

艮其背。不獲其身。行其庭。不見其人。无咎。

鳴謙。利用行師。征邑國。

象曰。鳴謙志未得也。可用行師。征邑國也。

正曰。謙而艮。不獲其身。不見其人。而行師
 利征。何也。曰。謂是鳴謙者。自討之謂也。君
 子謹身而外人。後遠而治近。克己以攻其
 誠。率屬以致其慎。大勞不驚。而獨以謙鳴。

仲康之征義和也。追其悖德而討其失業。且命於衆曰：威克厥愛，允濟；愛克厥威，允罔功。夫仲康亦度時而止者乎？啓之討有扈，不為不武也。再世而幾失，故仲康獨以謙鳴。伯翳之告禹曰：滿招損謙受益。夫仲康則猶守禹之訓也。然則魯於邾莒，鄆向部諸邾，繹須句，根牟之間，數十用師，皆不得謂之行師。征邑國者，歟？曰：是皆鳴謙者也。何謙之有？天子之卜，男麗於諸侯，會過齊盟，不得謂之邑國。猶是背庭也。而自以為身，自以為為人，恣睢其間，不平其施，則殆矣。然則叔弓之圍費，州仇何忌之圍郟，季孫斯及何忌之墮費，固皆其私邑也。墮其私邑，以弘其君，不得謂之鳴謙者歟？曰：是猶之冥豫也。何謙之有？然則謙用，侵伐，豈難為象歟？曰：天下未有謙而侵伐者也。謙而侵伐，大德而小試，大義而小據，忘勢與位，不求勝人自勝而已。夫非文王而誰先。



豫利建侯行師。

彖曰：豫剛應而志行順以動。豫，豫順以動，故天地如之。而况建侯行師乎？天地以順動，故日月不過，而四時不忒。聖人以順動，則刑罰清而民服。豫之時義大矣哉。

象曰：雷出地奮豫。先王以作樂崇德，殷薦之上帝，以配祖考。

正曰：謙禮也。豫樂也。禮以地制，樂繇天作。地制以艮，天作以震。艮止也，震起也。禮樂

者。刑罰之氏也。禮樂不作。則刑罰不清。刑罰不清。而斧鉞鐘鼓皆散矣。止而順。順而動。夫各有自始也。虞書曰。戒之用休。董之用威。勸之以九歌。俾勿壞。故禮樂者。聖人之所以勸也。周書曰。明德慎罰。亦克用勸。要囚。殄戮多罪。亦克用勸。開釋無辜。亦克用勸。禮樂不作。則百姓不勸。上不可以薦上帝。配祖考。下不足以懷諸侯。柔師衆。故雷震。威而霜霰總至也。君子出言以時。出行以時。苟非其時。雖有禮樂。若默若雌。及其究也。以懿文德。

初六

豫利建侯行師。

震亨。震來虩虩。笑言啞啞。震驚百里。不喪匕鬯。

鳴豫凶。

象曰：初六鳴豫，志窮凶也。

正曰。謙之上六。鳴謙挹也。豫之初六。鳴豫溢也。夫託初位而有震人之聲。非窮凶而為之乎。郤至入周。修鄴陵之戰。單襄公曰。兵在六。頌其郤至之謂乎。君子不自稱也。非以讓也。惡其益人也。人性陵上。不可益也。未益人。其抑下滋甚。鳴豫之凶。謂有益人之心焉。退而修省。以和以平。則庶乎可以不喪矣。

六三

豫利建侯行師。

解利西南。无所往。其來復吉。有攸往。夙吉。

介于石。不終日。貞吉。

象曰：不終日貞吉，以中正也。

正曰：雷雨作解，解而風，萬物甲折，建侯行師。此者不可不夙也。故介于石，未解之物也。不終日，已解之物也。雷霆破山，不避金石，堅冰不鑿，一宿頓釋。君子立子，不謀於左右，不謀於婦人。君子出師，不宿命於家，不漏言於親。詩曰：不留不處，三事就緒。伊尹曰：先王昧爽，不顯坐以待旦。夫非知幾豫解之能如此乎？子曰：知幾其神乎？君子上交不諂，下交不瀆，其知幾乎？幾者動之微，吉凶先見者也。君子見幾而作，不俟終日。易曰：介于石，不終日。貞吉。介如石焉，寧用終日，斷可識矣。又曰：君子知微知彰，知柔知剛，萬夫之望。然則夫子之言上交下交，何也？曰：六二者，上下之所交取也。豫

以成信。解以成智。蓋自蘧瑗季札之外，未之有望也。然則平仲叔嚮，不可謂智乎？曰：微彰剛柔，則夫人而知之也。知而无濟，雖為眾望，自免而已。晏子之晉，與叔嚮宴，語驩。叔嚮曰：齊其何如？晏子曰：此季世也。吾弗知。齊其為陳氏矣。齊舊四量：豆區釜鐘，四升為豆，各自其四以登於釜。釜十則鐘。陳氏三量，皆登一焉。以家量貸，而以公量收之。公聚朽蠹，而三老凍餒。國之諸市，屢賤踊貴。民人痛疾，而或煥休之。欲無獲民，將安辟之？叔嚮曰：然。雖吾公室，亦季世也。戎馬不駕，卿無軍行。庶民罷敝，而宮室滋侈。道殣相望，而女富溢尤。樂郤胥原，狐續慶伯。降在皂隸。民無所依。君日不悛。以樂倍憂。饒鼎之銘曰：昧旦不顯。後世猶怠。况日不悛。其能久乎？二子之道，國惡不相諱也。然是夫人而知之。二子雖望，自免而已。其或者穆叔乎？穆叔自澶淵還，見孟孝伯。

語之曰。趙孟將死矣。其語偷。不似民主。且年未盈五十。而諄諄焉如八九十者。弗能久矣。若趙孟死。政必在韓子。盍與季孫言之。可以樹善。使早備魯。久將失政。魯其懼哉。孝伯曰。人生幾何。誰能無偷。朝不及夕。將安用樹。穆叔出而告人曰。孟孫亦將歿矣。吾語諸趙孟之偷也。而又甚焉。乃與季孫語。晉故不聽。既而趙文子卒。孟孝伯亦卒。晉公室卑。政在侈家。韓宣子為政。不能圖諸侯。魯不堪求。讒慝宏多。是以有平丘之會。晉人執季孫。甚矣。穆子之正也。正是生明。明是生識。詩曰。昔我有先正。其言明且清。介不貞吉。穆子亦有焉。

六三 豫之小過

豫利建侯行師

小過亨利貞。可小事。不可大事。飛鳥遺之音。不宜上。宜下。大吉。

肝豫悔。遲有悔。

象曰。肝豫有悔。位不當也。

正曰。肝豫而遲。豫而小過者也。豫而小過則怠矣。詩曰。湯降不遲。聖敬日躋。為天子之道也。不僭不濫。不敢怠遑。為諸侯之道也。臧文仲獲地於重館。風也。子太叔施幕於晉庭。遲也。夫天下之不以速敗者。能幾乎。然既已豫矣。而又遲之。則是重悔也。重悔而過。則是多咎矣。詩曰。折柳樊圃。狂夫瞿瞿。不能晨夜。非風則莫。周官曰。蓄疑敗謀。怠忽荒政。言夫肝豫而多悔。豫而小過者也。

九四 豫之

豫。利建侯行師。

坤。元亨。利牝馬之貞。君子有攸往。先迷後得主。利。西南得朋。東北喪朋。安貞吉。
由豫大有得。勿疑朋盍簪。

象曰。由豫大有得。志大行也。

正曰。順而動。動而得大順。天下從之。何獨西南乎。西南之得朋。非獨吾隣也。文德協和。百靈以懷。震者。帝之始出也。艮者。物之終成也。坤迷其始。艮成其終。則皆可以勿疑也。商頌曰。受小球大球。為下國綴旒。何天之休。不競不絀。不剛不柔。敷政優優。自

六五

豫之萃

豫。利建侯行師。

祿是道。夫非順動而能如此乎。仲虺曰。德日新。萬邦惟懷。志自滿。九族乃離。仲虺之勿疑。周召之無貳。蓋有得於繇。豫成信而已。非其志也。

萃。亨。王假有廟。利見大人。亨利貞。用大牲吉利。

有攸往。

貞疾。恒不死。

象曰。六五貞疾。乘剛也。恒不死。中未亡也。

正曰。危矣哉。古人之觀豫也。禮樂干戈之中。亦皆有奇疾焉。謂大衆所聚。則情偽雜

取然卒未有豫備之多。既者也。奇疾之殺人，則皆於其不戒也。聚而戒，戒而悅，邪慝不生。榮衛周作，雖有不豫，勿藥之矣。抑之詩曰：夙興夜寐，灑掃庭內，維民之章。修爾車馬，已矢戎兵。用戒戎作，用邊蠻方。是謂知豫之萃者矣。為國而不知豫之萃，不有夷難，必有子既。申生召戎，伯服召翟，是國醫所斂手於不試者也。

上六

豫之

豫利建侯行師。

晉康侯用錫馬蕃庶，晝日三接。

冥豫成有渝，无咎。

象曰：冥豫在上，何可長也。

正曰：冥，晦也。晉，昭也。冥而待明，怠而用勤，是何可終已乎？小過之遲悔，介石之作解，是齊姜所載謀於子犯也。故冥豫有渝，康侯之所貴也。楚子涖國三年而不聽政，樊姬諷之一日而舉孫叔敖，霸於諸侯。齊侯委國於左右，三年不治，卽墨尹微言，一日而烹阿大夫，實強其國。魏文侯遠太子擊於中山，趙奢唐率狗載鴈以獻，誦晨風之詩，於是歸之，發其衣裳，盡皆顛倒。秦誓曰：民訖自若是，多盤，責人斯無難，惟受責俾若流，是惟艱哉。秦穆公以冥豫有渝，遂獲令名，霸於天下。雖觀於天子，晝日三接，與文侯並命，又何過乎？謙豫，一陽之卦也。從於南政，日道驟庫，促於泰否者，又三十有六。天道之不齊也。璣衡之所在也。謙之蹇，利用侵伐，其良。利用行師，何謙乎？夫亦其志也。黜其功利，以載名德，天下信之。若豫則無所復疑也。故觀

於解之不日。小過之遲悔。而兩彖之情。備
 可見矣。序卦傳曰。有大者不可以盈。故受之以謙
 有大而能謙。必豫。故受之以豫。是何義也。
 曰。猶之一義也。有大而能謙。謙而豫者。鮮
 矣。是五民一君之卦也。慎觀王之元年。辛
 丑。其明年。諸國合從。始入謙際。是非謙也。
 而謙之。何也。行且有君矣。慎觀王之三年。
 癸卯。楚趙韓魏燕五國共伐秦。窺函谷。秦
 兵逆之。五國率而卻走。秦猶未能東。有諸
 侯。赧王四年。庚戌。楚韓齊趙燕相率事秦。
 已而背之。赧王十七年。癸亥。齊韓魏敗秦
 於函谷關。取河東三城。五國亦未能西。併
 強寇。夫是五民始末。若也。而天下諸侯
 又死。可應天。應者。赧王二十七年。癸酉。距
 戶。由之。交三十一一年矣。秦致東帝於齊。齊
 不敢受。秦亦輟帝。是不可以為謙也。而徒
 長其侵伐。燕齊之亂。後七年。人年。諸國服秦。

死。步。兵。賈。將。殺。師。動。十。萬。邯。鄲。之。倖。
 不。賀。戰。勝。徒。以。趣。亡。帝。又。三。十。五。年。赧。王
 乙。巳。而。秦。遂。入。周。書。取。其。地。俘。其。寶。器。遷
 西。周。公。於。愚。狐。之。聚。戎。申。而。秦。始。郊。見。上
 帝。於。雍。自。是。而。天。下。始。一。也。故。謙。之。哀。益
 稱。豫。之。崇。德。殷。薦。非。李。世。之。治。也。是。猶
 之。履。小。畜。祈。免。焉。耳。然。則。趙。奢。魏。无。忌。樂
 毅。田。單。不。謂。之。利。侵。伐。者。乎。曰。是。非。當。卦
 者。也。自。起。王。翦。則。又。已。亂。也。亂。卦。无。德。亂
 造。无。位。以。謂。是。將。入。於。混。一。焉。耳。王。躋。霸
 業。則。是。春。秋。而。已。絕。也。然。則。秦。政。得。為。受
 命。者。乎。自。秦。作。鄜。時。郊。見。上。帝。至。莊。襄。公
 四。年。乙。卯。五。百。一。十。一。年。矣。而。秦。政。乃。王
 曰。四。國。者。皆。非。周。之。舊。也。孝。公。與。鄭。武。公
 佐。周。東。遷。是。有。大。勳。禰。葛。之。戰。鄭。絕。於。天
 秦。修。其。舊。五。百。餘。年。猶。且。逡。巡。不。問。隧。鼎
 至。熱。自。落。安。在。秦。政。之。非。受。命。者。也。可。以
 受。命。則。可。以。殷。薦。然。則。是。齊。之。故。呂。歟。曰。

伯翳之後也。乾坤上際。美不驟起。其顯者皆四岳之。蓋於交卦。而後天人雜治。



隨。元亨利貞。无咎。

彖曰。隨。剛來而下柔。動而說。隨。大亨貞。无咎。

而天下隨時。隨時之義大矣哉。

象曰。澤中有雷。隨。君子以嚮晦入宴息。

正曰。隨。无故也。无故而隨。以時自寧。大澤在上。龍蛇歸之。隨。猶歸也。乾乾終日。則法天之道也。嚮晦宴息。則隨日之義也。夫嚮晦宴息之得與於六十四事者。何也。曰。冰堅於上。殺車其休。雷復於地。先王閉關。閉關之得著於先王。則嚮晦之得著於君子。

又何疑焉。故隨者嚮晦宴息之象也。藏龍於淵。藏雷於山。示以无為。為得其所。歡及其究也。以振民育德。

然則宴息之與乾乾。同道歟。曰。是亦同道也。元亨利貞。則晝夜而有之也。乾有四德。

同彖者五焉。屯。隨。臨。无妄。革也。屯。初交而難生。臨。浸長而消息。天道之長慮也。无妄。

以青而得災。革。以變而去悔。人事之大戒也。隨。於是得三焉。當革而未可革。六三以。

之居貞。當獲而有所不獲。九四以之。明道遇青而不入於青。上六以之。用亨。大。是三。

者。聖人皆非有意而為之也。曰。隨其宜焉。爾。隨其宜而不失四德。則雖乾乾終日。又。

何過焉。然則隨非立春之卦歟。曰。是亦立春之卦也。古者君子夙。

天子載耒。公卿率從。士庶雜鳴。服於農畝。婦人治蠶具。星定不休。而此於蟋蟀之詩。何也。曰。是亦其象也。君子至靜。以立身。安。

安以爲思。同人而不流。正人而不違。退處而不疑。獨居而不憂。以從於天下。猶之宴息也。曰。是則明夷之人也。何動悅之有乎。曰。是處於无故者也。无故不飭。无故則有渝。交功。何也。曰。衆萃之。衆隨之。君子之所異於衆者。不謂其思異於衆者也。然則隨之有丈夫小子。何也。曰。丈夫小子。皆未當於道也。君子思道而行。見義而從。獨往之不爲壯。羣往之不爲懦。震而起。不爲勇。艮而止。不爲怯。明動而晦。息則固其所也。然則隨亦勞卦也。豫之終。曰。冥豫。冥豫亦嚮晦也。嚮晦而不息。故有渝。隨之初。曰。出門。出門則方且也。方且而動。動。故有功。故渝者。陰陽之交變也。然則隨其无位者歟。曰。何爲其无位也。剛內而柔外。五陽而二陰。丈夫小子。各自爲政。而上下之極。則猶未撓也。然則剛來而下柔。與夫柔來而文剛。亦皆自外來者歟。曰。易。自外來者也。往

則正也。來則反也。舉正不反。繇外視之。則皆往也。繇內視之。則皆來也。然則隨從泰往者歟。抑隨否來者耶。曰。隨者。泰之交於否者也。乾坤相取。而文生其間。二陰相隨。而來於內。二陽相隨。而往於外。否交於泰。則陰隨往而陽隨來也。故隨隨時也。否泰隨蠱。其義一也。蔡仲之命曰。皇天無親。惟德是輔。民心無常。惟惠之懷。爲善不同。同歸于治。爲惡不同。同歸于亂。是之謂也。

初九

萃隨之

隨元亨利貞无咎

萃亨。王假有廟。利見大人。亨利貞。用大牲吉。利有攸往。

官有渝。貞吉。出門交有功。

象曰：官有渝，從正吉也。出門交有功，不失也。

正曰：日之无寧，晷也。雖宴息而猶有大戒焉。萃之除戎，器戒不虞。有渝之官也。假廟用牲，出門之交也。周政曰：文王罔攸兼于庶獄，庶慎。文王罔敢知于茲。又曰：其勿誤于庶獄，庶慎。惟有司之牧夫，其克詰爾戎兵。以陟禹之迹，方行天下，故庶言庶獄，庶慎。有司之事也。克詰張皇，大師之道也。大人守道，不以出門與一官。居常慮變，不以无功墜厥事。精誠所交，衆志隨之。故隨而萃君子之所貴也。

六二 隨之

隨元亨利貞无咎。

兌亨利貞。

係小子失丈夫。

象曰：係小子，弗兼與也。

正曰：隨而兌，則失所為震者矣。震丈夫也。兌小子，係於四而為艮，則亦小子也。丈夫制義，不得其斷，動而隨人，則亦猶之婦人也。罔命曰：慎簡乃僚，無以巧言令色，便辟側媚。葉公之顯命曰：毋以嬖御人，疾莊士。故兌之小子，悅人者也。小忠小信，小道小慧。先王之所不貴也。周政曰：自一話一言，我則末惟成德之彥。以乂我受民，是則庶乎無失者矣。震艮上下，吾亦何私焉。

六三 隨之 革

隨元亨利貞无咎。

革巳日乃孚元亨利貞悔亡。

係丈夫失小子隨有求得利居貞。

象曰係丈夫志舍下也。

正曰。隨猶水也。水則滅下。革猶火也。火則滅上。隨求而革非貞不得之也。陽處父如衛。反過甯舍於逆旅甯嬴氏。嬴謂其妻曰。吾求君子久矣。乃今得之。舉而從之。道與湯于語。及山而還。妻曰。何其懷也。曰。吾見其貌而欲之。聞其言而惡之。懼未獲其利而及其難。乃去之。孫伯宗朝而歸。其妻口于貌有喜。何也。曰。我言於朝。諸大夫皆謂

我智似陽子其妻曰。陽子華而不實。手言而無謀。子何慕焉。試飲諸大夫酒。語而聽之。曰。諸大夫莫子若也。然而民不戴上久矣。蓋亟索士庇州犂焉。於是得畢陽而庇其子。甯嬴之歸。可謂得所係也。畢陽之索可謂得所求也。得係者无失。有孚悔亡。亦謂此矣。夫天下之智。亦有不若婦人者乎。係兌則失震。係震則失離。皆係也。不係而隨。詩曰。將予就之。繼猶泮渙。則可謂无係者也。

九四 隨之 屯

隨元亨利貞无咎。

屯元亨利貞勿用有攸往利建侯

隨有獲貞凶有孚在道以明何咎

象曰。隨有獲。其義凶也。有孚在道。明功也。

正曰。隨而得屯。屯交而難生。與人同功。則必與人同過。與人分福。則必與人分禍矣。晉文公反國。賞欲先諸駮疾。而後好惠者。及河。子犯還壁曰。臣負羈縶。以巡天下。其辜多矣。請從此亡。公沈璧而矢之。乃入。異日叔向舉范文子。文子愬其未仁。夫子犯之明。豈不及於豎頭須。寺人勃鞞乎。夫各其道也。天下之隨人。而不免於患者多矣。惠公之人。里丕之黨。有存者乎。詩曰。大夫君子。無我有尤。百爾所思。不如我所之。舅犯之謂也。是猶備四德之義者也。

九五 隨之

隨。元亨利貞无咎。

震亨。震來虩虩。笑言啞啞。震驚百里。不喪匕鬯。孚于嘉吉。

象曰。孚于嘉吉。位正中也。

正曰。兌動而隨於內。隨得其震。長子也。狐偃。趙衰。賈它。是也。公孫固言於宋公曰。晉公子之亡。幼長矣。而好善不厭。父事狐偃。師事趙衰。長事賈它。公子居則下之。動則咨焉。成幼而不倦。殆有禮矣。樹禮必艾。倍負羈之妻。言於負羈曰。吾觀晉公子。賢人也。其從者。皆國相也。以相一人。必得晉國也。夫國相亦孚於婦人乎。管夷吾之隨也。失於子糾。鮑叔牙之隨也。得於小白。叔牙卒自以五不如者。讓於夷吾。夷吾之才。震於天下。則叔牙之力也。

上六隨之无妄

隨元亨利貞无咎

无妄元亨利貞其匪正有眚不利有攸往

拘係之乃從維之王用亨于西山

象曰拘係之上窮也

正曰隨而窮无妄之拘係文王嘗受之矣太王之歷室王季之羈廬亦各有眚也詩曰肆不殄厥愠亦不隕厥問太王是也帝省其山柞棫斯拔松柏斯兌王季是也夫隨之无妄亦有窮於西山者乎第祿之及人也而猶繫之維之先之拘係若恐厥逸夫非至正而能享此乎詩曰天之杌我如不我克彼求我則如不我得執我仇仇亦

不我力是則有青之道雖君子亦未之有避也西山之終王何疑乎



蠱元亨利涉大川先甲三日後甲三日

象曰蠱剛上而柔下巽而止蠱蠱元亨而天

下治也利涉大川往有事也先甲三日後甲

三日終則有始天行也

象曰山下有風蠱君子以振民育德

正曰蠱否之交於泰者也乾下而飾坤坤上而飾乾泰否相推而陰慝生焉故蠱之為道知其蠱則不害也先甲三日後甲三日則是周甲矣道未有周甲而不變者也

巽之治辛。艮之治丙。皆於六甲焉。取之也。君子以仁治己。以仁恕人。先患而維之。後患而持之。無不及事。洪範曰。斂時五福。用敷錫厥庶民。惟時厥庶民。于汝極。錫汝保極。凡厥庶民。無有淫朋。人無有比德。惟皇作極。故淫比之生。於其上。不於其下也。記曰。山有木。工則度之。其治蠱者之謂乎。然則易之言先甲後甲。何也。曰。是帝出之終始也。震取於甲。兌取於庚。各四十五日。先後兩際。各七日。有半。以震命之。甲子至庚午。餘日之半。皆係於艮。丙辰至癸亥。餘日之半。皆係於巽。艮巽為蠱。故合蠱而命之。曰。先甲後甲。是皆青帝之令也。然則不曰七日。而曰五日。不係之震。而係之蠱。何也。曰。易不為一歲之令。為百歲之憲。自甲子而甲戌。甲申。皆先也。自甲午而甲辰。甲寅。皆後也。舉艮與巽。則可以知震。故震分相取。艮巽互命。巽之六五。先庚後庚。則亦猶

此也。然則庚辛丙丁。皆在七日之內。而庚取丁癸。甲取辛丁。古人獨取之者。何也。曰。是與六甲六庚之義。亦皆互起也。古之為日者。左而尚柔。右而尚強。詩曰。吉日庚午。吉日維戊。是皆右事也。上辛祀帝。祭用丁亥。是皆左事也。然則易主日月。庚甲治蠱。亦皆聖人之所貴歟。曰。聖人者和於陰陽。而體於仁義。時至事起。何擇之有。然則武王克商。以甲子昧爽。先三日而誓師。後三日而畢事。既來自商。大告武成。以庚戌柴望。先三日而祀廟。後三日而分封。故蠱用振民。巽用申命。庚申之義。其始於此歟。曰。詩書易象。相為表裏也。武王戊午。師逾孟津。巳未誓師。辛酉再誓。甲子又誓。癸亥夜陳。會朝清明。故戊癸甲巳。周師之所取合也。葦之兩巳。則亦于是始也。然則周以火德。戊癸之合。朝步自周。與逾河陳郊。太保卜洛。新邑烝祭。皆戊也。未有用巳者。而曰

巳日何也。曰自戌而巳。乃畢厥事矣。克商之歲。日。至巳未。日月星辰會於北維。越六日。而受商命。卜洛之歲。甲寅而成位。甲子而用書。夫是六日。則必有合之者矣。然則易之所貴。獨甲巳歟。曰乾甲而震庚。震甲而兌庚。或論其德。或論其位。甲巳從化。乙庚同氣。易問取之。聖人未之求也。然則蠱之振民育德。何謂也。曰民之不信令而信德也。山栖之民。不知歲時。仰視木風。以知盛衰。與其多飭。不如无為。及其究也。為嚮晦宴息。

初六

蠱之大畜

蠱元亨利涉大川先甲三日後甲三日

大畜利貞不家食吉利涉大川

幹父之蠱有子考九咎厲終吉

象曰幹父之蠱意承考也

正曰。蠱而大畜。其所畜者大也。巽動而交於乾。乾幹於內。蠱止於外。召誥曰。今冲子嗣。則無遺壽考。曰稽我古人之德。矧曰其有能稽謀自天。夫昔之幹蠱者如此也。為冲子以幹其父。恐有不給也。而稽之壽考。又恐不給也。而稽之古人。又進而稽之天。詩曰。訏謨定命。遠猶辰告。古之多識。畜德者。則必有所用之矣。而必曰厲。則是為子而行。臣妻之道也。故巽者。臣妻之道。人子之所不貴也。

九二

蠱之艮

蠱元亨利涉大川先甲三日後甲三日

艮其背。不獲其身。行其庭。不見其人。无咎。
幹母之蠱。不可貞。

象曰。幹母之蠱。得中道也。

正曰。外事尚剛。內事尚柔。象魏外也。背庭內也。內已而外甲。致其文事。而後其武德。故艮者。天下之至靜也。庶言庶獄。庶慎。則猶之母蠱也。君子居處。斂身平氣。寬綽乃心。以治其攜。僕讐御。小。明。小。察。不。見。形。色。約。不。出。位。以。要。於。無。事。梓。材。曰。無。胥。戕。無。胥。虐。至。于。敬。寡。至。于。屬。婦。合。絲。以。容。詩。曰。鳴。鳩。在。桑。其。子。在。棘。淑。人。君。子。其。儀。不。忒。蠱。而。艮。之。謂。也。

九三 蠱之

蠱元亨。利涉大川。先甲三日。後甲三日。

蒙亨。匪我求童蒙。童蒙求我。初筮告。再三瀆瀆。則不告。利貞。

幹父之蠱。小有悔。无大咎。

象曰。幹父之蠱。終无咎也。

正曰。木落於山。而風從之。去其隕穫。得其成實。六旬之日。皆可用也。泉出於山。而險從之。因其自道。則道。不。因。其。自。道。則。不。道。矣。故幹蠱而悔。養蒙而瀆。教告雖煩。亦要之。无大咎。何也。今甲之義。不一足也。無逸曰。我聞曰。古之人。猶胥訓告。胥保惠。胥教誨。民無或胥。講張為幻。此厥不聽。人乃訓之。乃變亂先王之正刑。至于小大。故幹蠱。

而瀆蒙。未為大過也。曰。是民事也。惟正之供。以正令之。其有不從。則亦鮮矣。

六四 蠱之

蠱元亨。利涉大川。先甲三日。後甲三日。

鼎元吉亨。

裕父之蠱。往見吝。

象曰。裕父之蠱。往未得也。

正曰。蠱。壞也。鼎。新也。已新之。則可以裕矣。裕而往。則是不裕也。國危不事。柄臣。君老不事。太子。取新之際。必有裕心。遲任。有言曰。人惟求舊。器非求舊。惟新。有新器。必有舊人。夫亦各於其義也。盤庚曰。乃有不吉不迪。顛越不共。無俾易種于茲。新邑。夫盤

庚。則未為不裕也。三誥之。而後致愬焉。譬之。飴食。登載升聞。則齒矣。而又加火焉。與陳食一也。故蠱而鼎。取新之而已矣。

六五 蠱之

蠱元亨。利涉大川。先甲三日。後甲三日。

巽小亨。利有攸往。利見大人。

幹父之蠱。用譽。

象曰。幹父用譽。承以德也。

正曰。蠱而巽。申命行事。庚甲互治。亦可以稱順矣。君爽曰。惟茲惟德。稱用。又厥辟。故一人有事于四方。若卜筮。罔不是孚。詩曰。成王之孚。下土之式。永言孝思。孝思惟則。

夫非稱順者素。而能如此乎。君子幹事。為德。不為譽也。而眾志咸治。則孝譽歸之。虞書曰。至誠感神。矧茲有苗。詩曰。媚茲一人。應侯順德。是之謂也。

上九

升 蠱之

蠱。元亨。利涉大川。先甲三日。後甲三日。

升。元亨。用見大人。勿恤。南征吉。

不事王侯。高尚其事。

象曰。不事王侯。志可則也。

正曰。蠱之元亨。則有事也。升之元亨。則无事也。夫有事而行无事。非大人而能之乎。古之修意者。不及言。修言者。不及文。作文者。不及名。名山於地。不郭以山。百蠱不興。

大為治。不及功名。涓志質則。與百姓萬物共相見也。先甲以始。後甲以終之。若而是而已矣。詩曰。出自北門。憂心殷殷。自無事而無事者也。退食自公。委它委它。自有事而無事者也。夫以王侯之事。而有白駒之心。非盛德大人而能之乎。隨蠱。二陽之卦也。從於北政。陰陽分中。晝夜各百八十。卯酉之治也。隨蠱否泰。相交為治。動者以之變。反者以之復。天地於是萬物交脊。蓋亦二百七十三年。或三百四十年。而自為一際。故自泰否而隨蠱。蕃閉之大限也。隨之元亨利貞。與革屯无妄。兩象相取。猶是乾之佐使也。臨之元亨利貞。則與泰分治矣。蠱之巽。不與巽之蠱。共其庚甲。是易之微旨也。故觀於易。泰否隨蠱之際。鬼神情狀。亦約畧備矣。是又交卦也。易之交卦。四。上下經各二十。否隨蠱。相距四卦。二百七十年。餘二十。

四日。以歲實積之。二百六十九年。餘五十
 五日。以用卦通積之。三百四十五年。餘
 二百十六日。共為一際。秦否之際。四卿分
 晉為始。周分東西為中。四國命侯為終。雖
 未易姓。已改物矣。隨蠱六子交治。改秦為
 漢。交於呂牝。故上經之有兩交。君子所締
 審也。

序卦傳曰。豫必有隨。故受之以隨。以喜隨
 人者。必有事。故受之以蠱。是何義也。曰。是
 皆從豫來者也。豫而喜。喜以死。故喜以飭
 隨人之喜。則必有所指也。已酉秦昭襄王
 既歿。孝文王立。壬子莊襄王立。又三年而
 秦王政立。又二十六年。而并天下。銷鋒鑄
 劍。自兼三五。以識億世。癸未東游。還自陽
 武。駭於博浪。又九載。而鮑臭登於沙丘。以
 興之滯。而亡之速也。隨蠱之中爻。則斷於
 陽武矣。扶蘇隨也。胡亥蠱也。隨自謂无故。
 蠱自謂不壞。然而已故矣。已壞矣。乙未沛

師入關。漢遂稱帝。五載之業。邁於湯武。何
 封建之持久。而郡縣之易敗。何累功者之
 遲。而因時者之驟也。曰。其數然矣。隨蠱之
 於秦。否一也。秦否命侯。而隨蠱命帝。六子
 之治。治於父母。又九年。而高祖崩。又七年
 而呂后稱制。以秦皇之才。而不能制其母。
 以漢高之才。而不能柔其妻。故以隨為无
 故。以蠱為易飭者。過也。君子向晦必治其
 內事。視日而起。周甲而復。以為天下治之
 干楯。恐敗之衽席。嚮使高祖不溺戚姬。不
 欲立趙王如意。祿產之難。亦豈遽作乎。故
 趙高閹樂呂后祿產之事。天下之網戒也。
 晝選男德。宵靖女德。治天下者。所有事。則
 必自此始矣。

易象正卷之三

卷之三

三

吳

Large stylized watermark or seal, possibly containing the characters '上海' (Shanghai) and '圖書館' (Library).

